

佛祖歷代通載

十五

佛祖歷代通載卷第十七目錄

唐懿宗

大慈山寰中禪師

朗州德山宣鑑禪師

鎮州臨濟義玄禪師

湖南長沙景岑禪師

洞山良价禪師

悟達國師知玄傳

裴休相國禪源詮序

詔迎佛骨史贊

僖宗

澧州夾山善會禪師

岩頭全豁禪師

昭宗

此下十三處霸

仰山惠寂禪師

趙州從諗禪師

一七六

道載十七卷

一

雲居道膺禪師

五代

梁太祖朱溫

雪峯義存禪師

玄沙師備禪師

南嶽惟勁集寶林傳

末帝友貞

明州布袋和上

唐莊宗李存勗

魏府興化存獎禪師

明宗嗣源

福州長慶惠稜禪師

聖節設立試僧科

晉石敬瑭

打鐘息苦緣起

遼主德光御汴宮

漢劉知遠

韶州雲門文偃禪師

周郭威

汝州南院顯禪師

詔廢釋造僧帳

清涼文益禪師

通載十七卷

目二

七十二

佛祖應代通載卷第十七

嘉興路大中祥符禪寺住持華亭念常集

唐

庚辰

懿宗

宣宗長子好聲樂遊宴委政羣僚復迎佛骨而曰生見之死無恨年三十六崩葬簡陵在

位十年改咸通四年

壬午

杭州大慈山寰中禪師蒲坂人也姓盧氏頂骨圓聳其聲如鍾出家於并州童子寺受心印於百丈禪師結茅於南岳一日南泉至問如何是庵中主師云蒼天蒼天泉云蒼天且置如何是庵中主師云會即便會莫初初泉拂袖而出趙州問般若以何為體師云

三百九十一

通載一七失

一

般若以何為體趙州大笑而出師明日見趙州掃地問般若以何為體趙州置蒂拊掌大笑師便歸方丈師後住浙江大慈山上堂示眾云山僧不解答話只解識病又云說得一丈不如行取一尺說得一尺不如行取一寸問道者眾山素缺水師擬飛錫夜夢神人告之曰勿它之詰朝見二虎以爪跑地泉自涌出味甘如飴有僧自岳至乃曰童子泉酒矣移來在此故東坡題詩云亭亭石塔東罍上此老初來百神仰席移泉眼趁行脚龍作浪花供撫掌至今遊人濯濯羅卧聽空塔環玦響故知此老如此泉莫作人間去

來想咸通三年二月十五日不疾而逝壽八十三臘五十四僖宗謚性空大師定惠之塔

癸未制署法師知玄為悟達國師總教門事

乙酉

朗州德山宣鑑禪師劍南人姓周氏博學三藏嘗講金剛經時以周金剛名之俄慨然曰窮諸玄辯若一毫置於太虛竭世樞機似一滴投於巨浸學與無學吾知之矣乃盡棄其習謁龍潭信禪師問久嚮龍潭及到來潭又不見龍亦不現信曰子親到龍潭是夕師立侍更深信曰何不下去師曰暗信點紙燭與師師接得信即吹滅師豁然大悟曰今後更不疑天下

四百字

通載十一卷

二

老和尚舌頭也即日便辭信語其徒曰可中有箇漢牙如劍樹口似血盆一棒打不回頭他時向孤峯上立吾道去在師居澧陽垂三十年大中初武陵太守薛延望勅德山精舍延請居之大闡宗風上堂示衆云於已無事則勿妄求妄求而得亦非得也汝但無心於事無事於心則虛而靈寂而妙若毛端許言之本末者皆為自欺毫釐繫念三塗業目瞥尔情生萬劫羈鎖聖名凡號尽是虛聲殊相劣形皆為幻色汝欲求之得無累乎及其歇之又成大患終而無益僧問如何是菩提師打云出去莫向這裏倚如何是佛師

云佛是西天老比丘雪峯問從上宗乘以何法示人
師云我宗無語句亦無一法與人至是將終謂衆曰
捫空追響勞汝心神夢覺覺非竟有何事言訖端坐
而逝闕世八十有六臘六十有五時咸通六年十二
月三日也敕謚見性大師具傳

丙戌

鎮州臨濟義玄禪師曹州南華人姓邢氏衆黃蘗運
禪師問如何是佛法的的大意聲未絕運便打如是
三度致問三度被打遂辭下山運指往高安大愚處
去師至大愚問黃蘗近日有何言句師曰某甲三度
問佛法的的大意三度被打不知有過無過愚云黃

四百

通載十七卷

三

蘗恁麼老婆心更問有過無過師於是大悟云元來
黃蘗佛法無多子愚搗住曰屎床鬼子適來問有過
無過而今却道黃蘗佛法無多子汝見箇甚麼師於
大愚肋下築三拳愚托開云汝師黃蘗非干我事師
由是再回黃蘗師省契會大機大用卓冠一時後還
鄉徇趙人之請住子城南臨濟禪苑學徒奔湊師示
衆曰赤肉團上看一無位真人常從女等諸人面門
出入未證據者看時有僧問如何は無位真人師下
禪床搗住云道道其僧擬議師托開云無位真人是
什麼乾屎橛師問樂普云從上來一人行棒一人行

谷瑜

四十九字

道藏一七卷

四

喝阿那个親對曰捨不親師曰親處作麼生普便喝
師乃打師問木口和上如何是露地白牛木口曰吽
師曰啞木口曰老兄作麼生師曰遮畜生大覺到參
師舉拂子大覺敷坐具師擲下拂子大覺收坐具入
僧堂衆僧曰遮莫是和上親故不礼拜又不喫棒師
聞令喚新到僧大覺遂出師曰大衆道女未參長老
大覺云不審便自歸衆麻谷到參敷坐具問十二面
觀音阿那面正師下繩床一手收坐具一手搗麻谷
云十二面觀音向什麼處去也麻谷轉身擬坐繩床
師拈拄杖打麻谷接却相捉入方丈師上堂云大衆
夫為法者不避喪身失命我於黃蘗和上處三度喫
棒如蒿枝拂相似如今更思一頓喫誰為我下得手
時有僧曰某甲下得手和上合喫多少師與拄杖其
僧擬接師便打僧問如何是第一句師曰三要印開
朱點窄未容擬議主賓分曰如何是第二句師曰妙
解豈容無著問漚和爭負截流機曰如何是第三句
師曰看取棚頭弄傀儡抽牽全藉裏頭人師又曰夫
一句語須具三玄門一玄門須具三要有權有用汝
等諸人作麼生會師唐咸通七年丙戌四月十日將
示滅乃說傳法偈曰汭流不止問如何真照無邊說

似他離相離名如不稟吹毛用了急須磨偈畢坐逝
救謚惠照大師塔曰澄靈具如傳燈

戊子

湖南長沙景岑禪師號招賢初住鹿苑其後居無定
所但徇緣接物嘗示衆曰我若一向舉揚宗教法堂
裏須草深一丈我不得已向女諸人道盡十方世界
是沙門眼盡十方世界是沙門全身盡十方世界是
自己光明盡十方世界在自己光明裏盡十方世界
無一人不是自己我常向女道三世諸佛共十方法
界衆生是摩訶般若光光未發時女諸人向什麼處
委光未發時尚無佛無衆生消息何處有山河國土

道載十七卷

五

來時有僧問如何是沙門眼師云長長出不得又云
成佛成祖出不得六道輪回出不得僧云未審出箇
什麼不得師云晝見日夜見星僧云學人不會師乃
云妙高山色青又青僧云如何是佛師云衆生色身
是僧云河沙諸佛體皆同如何有種種名字師云從
眼根返源名為文殊耳根返源名為觀音從心返源
名為普賢文殊是佛妙觀察智觀音是佛無緣大悲
普賢是佛無為妙行三聖是佛之妙用佛是三聖之
真体用則有河沙假名体則總名一薄伽梵僧云色
即是空空即是色此理如何師偈云碍處非牆壁通

處勿虛空若人如是解心色本來同問如何是佛性
師偈云佛性堂堂顯現住相有情難見若悟衆生無
我我面何殊佛面問如何是上上人行履處師云如
死人眼問上上人相見時如何師云如死人手問善
財無量劫來為什麼游普賢身中世界不遍師云女
從無量劫來還曾遊得徧不問如何是普賢身師云
含元殿裏更問長安問亡僧向什麼處去師有偈云
不識金剛體却喚作生緣十方真寂滅誰在復誰行
師曰臨濟示衆赤肉團上有一無位真人乃有偈曰
萬法一如不用揀一如誰揀誰不揀即今生死本善

四四

通載十七

六

提三世如來同箇眼仰山問人人盡有這箇事只是
用不得師云恰是請女用仰云作麼生用師乃蹉倒
仰山山曰直下似箇大虫世曰名岑大虫

己丑

洞山良价禪師示寂師會稽人姓俞氏幼出家年二
十一往嵩嶽受具首謁南泉值馬祖忌日設齋泉問
衆曰今日設齋未審馬祖還來否衆無對師乃出對
曰待有伴即來泉聞之讚曰此子雖後生却堪雕琢
師曰和上莫壓良為賤次謁瀉山問曰頃聞忠國師
有無情說法良价未究其微瀉曰我這裏亦有只是
難得其人曰便請和上道瀉曰父母所生口終不敢

道曰還有與和上同時慕道者不為曰此去石室相
連有雲岩道人若能撥草瞻風必為子之所重師到
雲岩問無情說法什麼人得聞岩曰無情說法無情
得聞曰和上還聞不岩曰我若聞汝即不得聞吾說
法也曰若恁麼即良价不聞和上說法岩曰我說汝
尚不聞何況無情說法耶師乃述偈曰也大奇也大
奇無情說法不思議若將耳聽終難會眼處聞聲方
。 述辭雲岩問什麼處去曰雖離和上未卜所止
岩曰早晚却來曰待和上有住處即來岩曰自此一
去難得相見師曰難得不相見又問岩曰和上百年

四十一

通載十七卷

七

洞山悟
道頌

後忽有人問還邈得師真如何祇對岩曰但向伊道
即這是師良久岩曰承當這箇事大湏細審師猶涉
疑後曰過水觀影大悟前旨曰有偈曰切忌從他覓
迢迢與我踈我今獨自往處處得逢渠渠今正是我
我今不是渠應湏恁麼會方得契如如大中末於新
豐山接誘學徒其後盛化於高安之洞山嘗曰雲岩
忌日修齋僧問和上見南泉教跡為什麼與雲岩設
齋曰我不重先師道德亦不為佛法只重不為我說
破又僧問和上還肯先師也無曰半肯半不肯曰為
什麼不全肯曰若全肯即孤負先師也師謂衆曰知

有佛向上人方有語話今時有僧問如何是佛向上人師曰非常師問僧世間何物寂苦僧曰地獄寂苦師曰不然在此衣線下不明大事寂苦師問僧名什麼曰某甲師曰阿那箇是女主人公曰見祇對次師曰苦哉苦哉今時人例皆如此只是認得驢前馬後將為自己佛法平沉此之是也客中辯主尚未分明如何辯得主中主僧云如何是主中主師云闍黎自道取曰某甲道得即是客中主如何是主中主師曰恁麼道即易相續也大難師將示寂謂衆曰吾有閑名在誰為吾除得衆皆無對有沙弥曰請和上法號

殼
解

師曰吾閑名已謝問和上違和還有不病者不曰有僧曰不病者還看和上不曰老僧看他有今日和上爭得看他師曰老僧看他時不見有病又曰離此殼漏子向什麼處與吾相見衆無對遂剃髮披衣令撞鍾湛然而寂時學徒千餘人號慟移時師忽開眸曰夫出家人心不附物是真修行勞生息死於悲何有乃召主事僧令辦愚癡齋一中蓋責其徒戀情也至七日食具方備師隨衆齋畢復謂衆曰僧家無事大率臨行之際勿須誼動明日浴罷端坐長往壽六十三臘四十二謚悟本禪師塔曰寂覺

為鬼羽

檐占尺

是歲五月帝幸安國寺賜國師知玄寶座高二丈材
用沉香塗髻縷龍鳳範為金鈿之上施復座陳經几
其前四隅立瑞鳥神人高數丈磴道以陞前被綉囊
錦襜珎屨絕甚時宮中日齋萬僧帝自為贊唄宰相
蕭倣諫以為天竺法割愛取滅非帝王躬踐今筆梵
言口梵音不若徵謬賞濫罰振殃祈福况佛者可以
悟取不可以相求懿宗雖不納然嘉美其言玄姓陳
氏世號陳菩薩三學洞貫名蓋一時異跡尤多及僖
宗避巢賊幸成都遣御史郭遵賈璽書徵赴行在帝
素重其名引對大悅賜號悟達國師留行宮久之辭

四十九

通載十七卷

九

錯厝音

庚寅

裴相國傳

歸九隴忽定中見菩薩降其室摩玄頂演深妙音而
慰安之言訖即隱俄一珠入玄左股隆起楚甚上有
晃錯二字玄知夙債也即右脇安卧而逝著述凡二
十餘萬言行于世弟子僧徹徹弟子覺暉俱有重名
三世為僧統或謂玄前身蓋漢川三學山知鉉法師
鉉在世嘗講十地品感地變金色及終感病與玄類絕
咸通十一年相國裴休薨休字公美孟州人兒時與
兄弟偕隱晝講經夜著書終年不出戶有饋鹿者諸
生為之休不食曰蔬食猶不足今一啗肉後何以繼
擢進士第累更內任嘗出刺洪州一日入龍興寺觀

壁畫歎曰容儀可觀高僧何在時有數僧對二愜休
曰此間莫有禪者麼僧云近一僧至似禪者休命召
乃黃檗運禪師時未顯名休以前問扣之運高聲曰
裴休休應諾運曰在什麼處休豁然從此契入遂迎
入府第旦夕問法及移鎮宛陵亦命與俱由是深徹
法源復與圭峯密禪師道緣尤密大中時執政六年
次歷諸鎮節度薨年七十有四休能文章書楷道媚
有體法為人醞藉操守嚴正進止雍閑宣宗嘗曰休
真儒者居常不御酒肉著釋氏文數萬言其圭峯禪
源諸詮序曰禪師集禪源諸詮為禪藏而都序之休

藉慈
夜

禪源
詮序

四十六

通載十七卷

十

曰未嘗有也自如來現世隨機立教菩薩間生隨病
指藥故一代時教開深淺之三门一真如心演性相
之別法馬龍二士皆弘調御之說而空性異宗能秀
二師俱傳達磨之心而頓漸殊稟天台專依三觀牛
頭無有一法江西舉躰全真荷澤直指知見其他空
有相破真妄相攻反奪順取密指顯說故西域中夏
其宗實繁良以病有千源藥生多品投機隨器不得
一同雖俱為證悟之門盡是正真之道然諸宗門下
通少局多故數十年來師法益壞以承稟為門戶各
自開張以經論為戈矛互相攻擊情隨函矢而迂變

荷音
哥

法逐人我以高低是非紛拏莫能辨析則向者世尊
菩薩諸方教宗適足以起諍後人增煩惱病何利益
之有哉圭峯禪師久而歎曰予丁此時不可默矣於
是以如來三種教義印禪宗三種法門融瓶槃釵釧
為一金攪酥酪醍醐為一味振綱領而舉者皆順據
會要而來者同趨尚恐學者之難明也又復直示宗
源之本末真妄之和合空性之隱顯法義之差殊頓
漸之同異遮表之回互權實之淺深通局之是非莫
不提耳而告之指掌而示之嘖呻以吼之柔和以誘
之乳而藥之恐性命之夭殤也保而護之念水火之

瞠計一

漂焚也揮而散之悲鬪諍之牢固也大明不能破長
夜之昏慈父不能保身後之子若吾師者捧佛日而
委曲回照疑瞠盡除順佛心而橫巨大悲窮劫蒙益
是則世尊為闡教之主吾師為會教之人本末相符
遠近相照可謂畢一代時教之能事矣或曰自如來
滅後未嘗大都而通之今一旦違宗趣而不守廢闕
防而不據無乃乖秘藏密契之道乎答曰佛於法華
經涅槃會上亦以融為一味但昧者不覺故涅槃經
云迦葉菩薩曰諸佛有密語而無密藏世尊讚歎曰
如來之言開發顯露清淨無翳愚人不解謂之秘藏

智者了達則不名截此其證也故王道興則外戶不閉而封夷狄佛道備則諸法總持而防在外魔不當復執情攘臂於其間也嗚呼後學當取信於佛無取信於人當取證於本法無取證於末習能如是則可以報圭峯之劬勞德矣

癸巳

鶻律餘

城廕

咸通十四年三月庚午詔兩街僧於鳳翔法門寺迎佛骨於是以前金銀為剎珠玉為帳孔鶻周飾之小者尋丈高者倍之刻檀為簷柱陞城塗黃金每一剎數百人舉之香輿前後係道綴玉瑟瑟幡蓋殊綵以為幢旌費不貲限以四月八日至京師綵觀夾道

七

十三

征安福門樓迎拜引入內道場三日後出京城諸寺詔賜兩街僧金帛京師耆老及見元和事者悉厚賜所過鄉聚皆哀土為剎相望於途光景晝見京城高賞相與集大衢作僧臺縵關注水銀為池金玉為樹集葉門羅像設考鼓鳴螺繼日夜下詔曰朕以寡德續承洪業十有四年頃值寇興王師未息朕憂勤在位愛育生靈遂尊崇釋教至重玄門迎請真身為百姓祈福今觀觀之衆隘塞路歧載念狴牢寢興在慮嗟我黎人陷于刑辟况漸當暑毒繫於縲紲京畿及天下諸州府見禁囚遞減死一等明年四月詔送佛

狴牢

骨歸于鳳翔都人者蓋錢餞皆嗚咽流涕

新史贊曰人之惑怪神也甚哉若佛者特西域一槁人耳裸頂露足以乞食自資癯辱其身屏營山樊行一槩之苦本無求於人徒屬稍稍從之然其言荒茫湯靡夷幻變現善推不驗無實之事以鬼神死生貫為一條據之不疑培嗜欲棄親屬大抵與黃老相出入至漢十四葉書入中國蹟夫生人之情以耳目不際為奇以不可知為神以物理之外為畏以變化無方為聖以生而死死而復生回復償報歆艷其間為惑然以賤近貴遠為喜鞮譯差舛不可研詰華人之

鞮譯

四百六

通載一七六

十三

謫誕者又攘莊周列禦寇之說佐其層累架騰直出其表以無上不可加為勝妄相夸協而唱其風於是自天子逮庶人皆震動而奉祀之初宰相王縉以緣業事佐代宗始作內道場晝夜梵唄異襪寇戎大作孟蘭肖祖宗像今供寺塔為賤臣嘻笑至憲宗遂迎佛骨於鳳翔內之宮中韓愈指言其弊帝怒竄愈瀕死憲亦弗克天年幸福而禍無乃左乎懿宗不君精爽奪迷復蹈前車而覆之興哀無知之場焉在百解之哉以死自誓無有顧藉流涕拜伏雖事宗廟上帝無以進焉屈萬乘之貴自等於古胡數千載而遠以身

裁側
吏

瘡安吐

為狗嗚呼運瘡祚殫天告之矣懿不三月而殂唐德之不競厥有來哉

論曰甚矣宋景文公詆毀吾先師之厚也屢欲直其辭而為之解嘲及得大顛對退之之論李節贈疏言之叙凡予所欲言者彼既言矣故不別論且憲懿二宗誠為崇奉太過至於高祖沙汰二教詔下而位移武宗大滅釋氏未逾歲而被禍此亦不得不懼也雖然真佛也者聖凡之大本也體與太虛等徧用與眾庶同功無為而無所不為無在而無所不在然則心外見佛而過奉之者非正見也昧

三八三

道載十七卷

十四

乎大本而故毀之者即自毀也景文斥其奉之之弊而匿其毀之之失豈良史之謂哉

甲午

僖宗儼懿第五子十一即位年二十七崩葬靖陵改

乾符

○是歲井州民生

○濮賊王仙芝聚眾於長垣

乙未

○高駢破南詔 ○王仙芝作亂黃巢應之

己亥

是歲十一月兩日並出而闢

庚子

改廣明 ○田令孜奉天子西走 ○巢賊入長安國号 ○李克用

辛丑

改中和 ○元自蜀 ○拓拔思恭以兵赴難以之權夏綏

節度使西夏始此

○星流如織

澧州夾山善會禪師廣州峴亭人也姓庾氏九歲於

睽直

潭州龍牙山出家依年受戒往江陵聽習經論該練
三學遂參禪會勸力參承初住京口一夕道吾策杖
而至遇師上堂僧問如何是法身師曰法身無相曰
如何是法眼師曰法眼無瑕師又曰目前無法意在
目前不是目前法非耳目所到道吾乃笑師乃生疑
問吾何笑吾曰和上一等出世未有師可往浙中華
亭縣參船子和上去師曰訪得獲否道吾曰彼師上
無片瓦遮頭下無卓錫之地師遂易服直詣華亭會
船子鼓櫂而至師資道契微睽不留語觀船師比欲
遁世忘機尋以學者交湊廬室星布曉夕參依唐咸

通十一年庚寅海衆卜于夾山遽成院宇師上堂示
衆曰夫有祖以來時人錯會相承至今以佛祖句為
人師範如此却成狂人無智人去他只指示汝無法
本是道道無一法無佛可成無道可得無法可捨故
云目前無法意在目前他不是目前法若向佛祖邊
學此人未有眼目皆屬所依之法不得自在本只為
生死茫茫識性無自由今千里萬里求善知識須有
正眼來脫虛謬之見定取目前生死為復實有為復
實無若有人定得許女出頭上根之人言下明道中
下根器波波浪浪走何不向生死中定當取何處更疑

佛疑祖替汝生死有智人笑女偈曰勞持生死法唯
向佛邊求目前迷正理撥火覓浮漚僧問後上立祖
意教意和上此間為什麼言無師曰三年不食飯目
前無飢人曰既無飢人某甲為什麼不悟師曰只為
悟迷却聞黎師說頌曰明明無悟法悟法却迷人長
舒兩脚睡無偽亦無真僧問如何是夾山境師曰猿
抱子歸青嶂裏鳥啣花落碧岩前師再闢玄樞迨于
一紀唐中和元年辛丑十一月七日召主事曰吾與
衆僧話道累歲佛法深旨各應自知吾今幻質時盡
即去女等善保護如吾在日勿得雷同世人輒生惆

通載十七卷

十六

壬寅 悵言訖至于夜奄然而逝其月二十九日塔于本山
壽七十七臘五十七敕謚傳明大師塔曰永濟

○使八月朱溫來降賜名全忠

○四月李克用等與巢戰

○七月李師悅追黃巢於狼
席谷其甥林言斬巢首降

乙巳 光啓三月帝歸于京師 ○重榮敗績帝奔于鳳翔沙

陀之兵入于京師剽掠焚蕩遂
為丘墟焉自是天下崩裂大亂

丁未 是歲岩頭豁禪師示寂師泉州人姓柯氏少落髮抵
長安受具游講席習經律次與雪峯欽山結伴優游
禪苑初造臨濟值濟迂化見仰山才入門提起坐具

曠
賣所

云和上仰山擬取拂子舉之師曰不妨好手次見德
山執坐具上法堂瞻視山曰作什麼師咄之山曰老
僧罪過在什麼處師曰兩重公案便下參堂山曰這
箇阿師稍似个行脚人至來日上問訊山曰闍黎什
麼處學得這個虛頭來師曰全豁終不自謬山曰向
後不得辜負老僧雪峯在德山作飯頭一日飯遲德
山托鉢至法堂上峯曠飯巾次見德山云這老漢鍾
未鳴鼓未響托鉢向什麼處去德山便歸方丈峯峯
似師師云大小德山不會末後句山聞令侍者喚師
至方丈問汝不肯老僧那師密啓其意德山至來日

四十

通載十七卷

十七

上堂与尋常不同師到僧堂前撫掌大笑云且喜得
老漢會末後句他後天下人不奈何雖然如此也只
得三年德山果三年後迁化問古帆未掛時如何荅
後園馱契草上堂謂衆曰吾嘗究涅槃經見三段文
似衲僧說話又曰休休有僧礼拜請益師曰經云吾
教意如伊字三點第一向東方下一點點開諸菩薩
眼第二向西方下一點點諸菩薩命根第三向上方
下一點點諸菩薩頂此是第一段義又曰吾教意如
摩醯首羅劈開面門豎亞一隻眼此是第二段義又
曰吾教意猶塗毒鼓擊一声遠近聞者皆喪是第三

剽側

段義時小岩上座問如何是塗毒鼓師以兩手按膝
亞身曰韓臨信朝底問浩浩塵中如何辨主師曰銅沙
鑼裏滿盛油問如何是道師曰破草鞋拋向湖裏著
或問佛問法問道問禪者師皆作噓聲嘗謂衆曰老
漢去時大吼一聲了去其後中原盜起衆皆辟地師
端居自如一日賊大至責以無供餽遂剽刃焉師神
色不動大叫一聲而終壽六十有一後唐追謚清巖
大師有嗣法羅山能世其高風云

戊申 改文德三月帝崩

己酉 昭宗曄懿第七子為君俊穎有興復志而外患已成

事

道載十七卷

十六

內無賢佐雖有智勇而不能為年三十八為朱全忠
等弒于御幄葬和陵在位十六年改龍紀

庚戌 改大順○此下隨所在十三處霸附唐末并五代年紀雷氏曰

西秦茂貞 茂貞号秦鳳翔三七

吳行蜜 揚吳淮南四主四六

吳越鏐 錢杭吳越五主八四

燕守光 守光僭燕一十九年

楚殷 馬楚湖南五主五七

蜀建 王建前蜀二主三五

荆季興 季興荆南五主五七

閩審知

王閩福建五主五五

南漢隱

南漢隱廣五主六七

蜀知祥

知祥後蜀二主四一

南唐昇

李唐江南三主三九

殷延改

延改号殷建州三年

東漢旻

東漢崇原四主二八

西秦茂貞

字正臣本姓宋名文通深州博野人祖鐸父端皆隸博野軍為小校廣明

中破巢功大僖幸興元賜姓李氏名茂貞明年天子歸宮封鳳翔節度進封隴西郡王自鳳翔二十七年同光二年卒矣

是年仰山惠寂禪師示寂韶州懷化人也姓葉氏年

三八五

通載十七卷

十九

劬
俱權

十五欲出家父母不許後二載師斷手二指跪致父母前誓求正法以吞劬勞遂依南華寺通禪師落髮未登具即遊方初謁耽源已悟玄旨後參瀉山遂升堂奧祐問曰女是有主沙彌無主沙彌曰有主曰在什麼處師從西過東立瀉知是異人便垂開示師問如何是真佛住處瀉曰以思無思之妙返思靈燄之無窮思盡還源性相常住事理不二真佛如如師於言下頓悟自此執侍十有五載凡有言句皆為後世宗軌一日師問瀉山曰和上浮漚識近來靈未瀉山云我無來經五年也仰曰若恁麼和上如今身前應

普超三昧頂瀉山云未在仰曰性地浮漚尚寧然燈
身前何故未瀉山云理則如是我未敢保任仰曰如
何是未敢保任處瀉山云女莫口解脫女豈不聞安
秀二師被則天試入水始知有長人到這裏鐵佛也
須汗出痲子女大須修行莫終日口密及領衆住王
羣山一日禪床陷入地中地神告以此山不任和上
居止東南有大仰山乃人間福地遂遷心仰山示衆
曰女等諸人各自回光返照莫記吾言女無始劫來
背明投暗妄想根深卒難頓拔所以假設方便奪女
粗識如將黃葉止啼有什麼是處亦如人將百種貨

四九九

通載十七卷

廿

齧魚結

物與金寶作一鋪貨賣祇擬輕重來機所以道石頭
是真金鋪我這裏是雜貨鋪有人來覓鼠糞我亦拈
與他來覓真金我亦拈與他時有僧問鼠糞即不要
請和上真金師云齧鏃擬開口驢年亦未會師云索
喚則有交易不索喚則無我若說禪宗身邊要一人
相伴亦無豈况五百七百萬耶我若東說西說則爭
頭向前採拾如將空拳誑小兒都無實處我今分明
向女說聖邊事且莫將心湊泊但向己性海如實而
修不要三明六通何以故此是聖末邊事如今且要
識心達本但得其本不愁其末他時後日自具去在

若未得本縱饒將情學他亦不得豈不見瀉山和上
道凡聖情盡躄露真常事理不二即如如佛師曰歸
瀉山省覲祐問子既稱善知識爭辨得諸方來者知
有不知有有師承無師承是義學是玄學子試說看
師曰惠寂有驗處但見諸方僧來便豎起拂子問伊
諸方還說這箇不說又曰這箇且置諸方老宿意作
麼生祐嘆曰此是後上宗門爪牙祐問大地衆生業
識茫茫無本可據子作麼生知他有之與無師曰惠
寂有驗處時有一僧從面前過師召云闍黎僧回首
師曰和上這箇便是業識茫茫無本可據祐曰此是

聖王

通載十七卷

廿一

鄭相公
問法

師子一滴乳能散六斛驢乳鄭愚相公問不斷煩惱
而入涅槃時如何師豎起拂子公云入之一字不要
亦得師云入之一字不為相公師問雙峰師弟近日
見處如何對曰據某甲見處實無一法可當情師曰
汝解猶在境雙峰曰某甲只如此師兄如何師曰汝
豈無能知無一法當情者瀉山聞云寂子一句疑殺
天下人僧問禪宗頓悟畢竟入門的意如何師曰此
意極難若是祖宗門下上根上智一聞千悟得大提
持此根人難得其有根微智劣所以古德道若不安
禪靜慮到這裏提須茫然僧曰除此格外還別有方

便令學人得入也無師曰別有別無令女心不安汝
是什麼處人曰幽州人曰女還思彼處不曰常思師
曰彼處樓臺林苑人馬駢闐女反思思底還有許多
般也無曰某甲到這裏一切不見有師曰女解猶在
境信位即是人位即未是據女所解只得一玄得坐
披衣向後自看瀉山一日復問師曰女向後記得人
不師曰若記只記見解瀉曰何以如此師曰西竺般
若多羅識二千年事至時毫髮不移曹溪亦識身後
有難及至亦無爽今時還得不瀉曰此是行通我是
自宗通亦是學禪未問六通師曰某謂見解宗通語

言堯

通載十七卷

廿二

絕滲漏屬語密行解照用自辨清濁業屬意密其未
齊曹溪與般若多羅不敢輒記瀉山深然之先是師
預示偈曰吾年七十七老去是今日任性自浮沉兩
手攀膝屈至是兩手抱膝而逝師之異迹及垂讖記
具存本山實錄

壬子改景福

甲寅改乾寧

丁巳

○吳行密字化源姓楊氏廬州合肥人家世微賤
有勝力能舉千斤日行三百里為本州步健破
巢功大昭宗封淮南王進封楚王梁祖封吳王

卒是年始封至梁祖二年據廬州十二年壽五十四子渥據淮南

論

乾寧四年趙州後諡禪師示寂闕歲一百二十師曹州人姓郝氏落髮未具戒便造南泉泉一見深器之一日問如何是道泉云平常心是道師曰還可趣向不曰擬向即乖師曰不擬如何知是道泉云道不屬知知不屬不妄覺不知是無記若真達不疑之地猶如太虛廓然虛豁豈可強是非耶師於言下大悟自是周旋南泉之門凡二十年次遍歷諸方後歸北地衆請住趙州觀音古剎示衆曰如明珠在掌胡來胡現

三〇九五

通載十七卷

十三

五

漢來漢現老僧有時將一枝草作丈六金身用有時把丈六金身作一枝草用佛是煩惱煩惱是佛問曰未審佛是誰家煩惱師云与一切人煩惱僧云如何免得師云用免作麼問師還入地獄不答云老僧未上入僧云大善知識為什麼却入地獄師云若不入阿誰教化女真定帥王公携諸子入院師坐而問曰大王會麼王云不會師云自小持齋今已老見人無力下禪床王公加礼而去一日示衆曰金佛不度爐木佛不度火泥佛不度水真佛屋裏坐菩提涅槃真如佛性盡是貼体衣服亦名煩惱不問即無煩惱且

實際理地什麼處著得一心不生萬法無咎女但究
理坐看三二十年若不會道截取老僧頭去夢幻空
花何勞把捉心若無異萬境一如既不從外得更拘
執作什麼如羊相似拾物安向口裏老僧見藥山和
上道有人問著便交合取狗口老僧亦交合却口師
之玄言天下推為宗門妙唱云

戊午

改光化○聖胄集成

華岳玄偉禪師編次貞元

庚申

上與崔胤謀誅宦官

少劉季述等以禁軍劫天子幽於

辛酉

改天復○

韓全誨等劫帝幸鳳翔

雲居道膺禪師示寂師幽州玉田人參洞山价公契

四二

一三

五

悟宗旨深可之曰此子已後千萬人把不住一日
問曰昔南泉問講彌勒下生經僧云彌勒什麼時下
生僧曰見在天宮當來下生南泉云天上無彌勒地
下無彌勒師問只如天上無彌勒地下無彌勒未審
誰與安名洞山直得禪床震動乃曰膺闍黎及結庵
于後洞日感天厨奉供洞山勉令隨方接人遂登雲
居學徒奔湊至一千五百衆嘗示衆曰古人云地獄
未是苦若向此衣單下不明大事却是寂苦女等既
在這箇行流十分去九不較多也更著些子精彩便
是上座不屈平生行脚不辜負叢林古人道欲得保

任此事須向高高峯頂立深深海底行方有些子氣
力汝若大事未辦須履踐玄途又曰汝等師僧家教
言吐氣須有來由凡問事須識好惡尊卑良賤信口
無益傍家到處覓相似語言所以尋常向兄弟道莫
恠不相似恐同學太多去第一莫將來不相似八十
老人出場屋不是小兒戲一言參差千里萬里難為
叔攝直至敲骨打髓須有來由言語如鉗夾鈎鎖相
續不斷始得頭頭上具物物上新可不是精得妙底
事道女知有的人終不取次十度擬教言九度却休
去為什麼如此恐怕無利益体得的人心如騰月扇

四七

通載十七卷

十五

醜
卜四

口邊直得醜出不是汝強為任運如此欲得恁麼事
須是恁麼人既是恁麼人何愁恁麼事學佛邊事是
錯用心假饒解得千經萬論講得天華落石點頭亦
不干自己事况乎其餘有何用處若將有限心識作
無限中用如將方木逗圓孔多少差訛設使攢花簇
錦事事及得盡一切事亦只喚作了事人無過人終
不喚作尊貴將知尊貴邊著得什麼物不見從門入
者非寶捧上不成龍知麼又曰如好獵狗只解尋有
踪跡底忽遇羚羊掛角莫道跡氣亦不識僧問羚羊
掛角時如何師曰六六三十六曰不會師云不見道

無蹤跡一僧在房內看經師隔窓問闍黎念者是什麼

麼經對曰維摩經曰不問維摩經念者是什麼經其

僧有省師臨終前期五日為衆開窻後便序出世始

末衆皆愴然至時端坐而化後唐諡曰弘覺禪師

改天祐正月朱全忠奉天子遷洛陽八

乙丑哀帝祝天祐二年○昭立帝時年十三軍國之政稟

全忠年十七歲梁王使劉霸害

丙寅濮王諡景宗在位三年

紉倫卒而右唐十九帝凡二百九十年

五代

叙曰後梁朱氏篡唐闕五朝八姓十有三君五十三

載歐陽文忠公法春秋著為五代史古所謂春秋作

而亂臣賊子懼然自秦漢而下禍起蕭牆變生肘腋

君臣父子之際所不忍願聞者奚更不懼之多乎予

嘗以唐新舊本紀參校粗見文忠師仰春秋畧例紀

事褒貶之妙非他史所及曰采數十端著新唐史本

紀畧例一篇及得五代史閱其自敘述作之意與予

言亦頗合然舉春秋宗王之作裁正唐史可也以之

致虛名盛禮而歌艷五代之君不幾於枉設乎朱全

忠弒昭宗滅唐祚雖王莽劉曜之惡不足以比之及

丁卯

其有國父父子子更相屠僂不殊犬豕之死正吾教善惡因果之効也文忠箴視而不取特假春秋戮魏位號朝儀以貴之卒無一辭深誅痛責使後世忠良閱之曷以泄宵中之不平乎荆國王文公嘗歎惜文忠不修晉書而修五代史予之言蓋文公歎惜之意也至於李克用石敬瑭劉知遠皆突厥沙陀夷狄之種朱全忠郭威乃中國人反不若三夷狄近人類也郭威代漢及養子世宗頗有聲然議者槩見而未知詳梁太祖温改開平○僖宗賜姓全忠禪唐之後更名晃字匡聖本宋州碭山午溝里人父曰誠以五經

四

通載十七卷

廿七

教之果篡唐祚年六十一為子友珪弑矣在位六

年都汴迁洛○雷氏曰

梁祖朱温庶人末帝三主十七

吳越鏐

字具美姓錢氏杭州臨安人少無賴

先鋒斬首數百巢不敢犯臨安昌以鏐為浙東招討

揮昌亦叛鏐以狀聞昭宗昭以鏐為浙東招討

使既下昌進封天下洛賜玉冊金印曰稱吳越

燕守光

姓劉氏深州樂壽人父仁恭事幽州李

皇帝改元應天○雷氏曰守光僭燕

戊辰

五月雪峯義存禪師示寂師泉州人姓曾氏十七落髮往幽州受具綿歷禪會緣契德山咸通中登象骨

憇
無芳

莞
版合

山雪峯剎院玄侶奔萃懿宗賜號真覺大師上堂僧
問拈槌豎拂不當宗乘和尚如何指示師豎起拂子
其僧抱頭而出師乃不顧道憇問只如古德豈不是
以心傳心師曰無不立文字語句憇曰只如不立文
字語句師如何傳師良久憇札拜師曰更問我一轉
豈不好憇曰就和上請一轉話頭師曰只憇麼唯別
有商量曰和上憇麼即得長慶問從上諸聖傳受一
路請師垂示師默然長慶札拜而退師莞尔而笑師
有時謂衆曰堂堂密密地道憇出問曰是什麼堂堂
密密師起立曰道什麼憇退步而立師垂語曰此事

四十三

通載十七卷

廿六

得憇麼尊貴得憇麼綿密憇對曰某甲到來數年不
聞和上憇麼示誨師曰我向前雖無如今已有莫有
妨麼曰不敢如此和上不已而巳師曰致使我如此
憇從此信入曰普請次師舉馮山見色便見心語問
憇還有過也無憇曰古人為什麼事師曰雖然如此
要共女商量曰憇麼即不知道憇鋤地去又嘗普請
次師問皎然曰古人道誰知席帽下元是昔愁人古
人意作麼生皎然側戴笠子曰這箇是什麼人語又
問曰持經者能荷擔如來然乃捧師向禪床上著一
日紹卿隨師經行次見芋菜動師指動菜示之卿曰

搗
初

某甲怕怖師曰是汝屋裏底怕怖什麼紹鄉從此開
悟安國弘瑫參師師曰甚處來曰江西師曰什麼處
見達磨曰分明向和上道師曰道什麼瑫曰什麼處
去來一日師見瑫忽搗住云盡大地是解脫門把手
教伊入不肯入曰和上恠弘瑫不得師曰雖然如此
爭奈背後許多師僧何太原孚上座參師禮拜訖立
於座右師才顧視孚便下看主事異日師見孚指日
示之孚搖手而出師曰汝不肯我孚曰和上搖頭某
甲擺尾什麼處不肯和上師曰到處也須諱却一日
衆僧晚參師在中庭卧孚曰五州管內只有這和上

四〇六

載一七五

較些子師便起去師居閩川四十餘年法席之盛卓
冠天下常不下一千五百衆臨終出遊籃田莫歸浴
畢中夜示寂壽八十有七

十一月玄沙師備禪師示寂師少為漁家子年甫三
十始出家具戒習頭陀行與雪峯師資道契雪峯每
歎曰備頭陀再來人也閱楞嚴經發明心地由是應
機敏捷與修多羅冥契諸方玄學者有所未決必從
之請益師上堂時久衆謂不說法一時各歸師乃呵
之曰看搗是一樣底無一箇有智惠但見我開兩片
皮盡來簇著覓言語意度是我真實為他却搗不知

看恁麼大難大難十方諸佛把女向頂上著不敢錯
悞著一分子只道此事唯我能知會麼如今相紹繼
盡道承釋迦我道釋迦與我同參汝道參阿誰會麼
汝今欲得出他五蘊身田主宰但識取汝秘密金剛
體古人向汝道圓成正徧周沙界我今少分爲汝智
者可以譬喻得解汝見此閻浮提日麼世間人所作
興營養身活命種種作業莫非承他日光成立只如
日體還有多般及心行麼還有不周遍處麼欲識此
金剛體亦如是只如今山河大地十方國土色空明
暗及汝身心莫非盡承汝圓成威光所現直是天人

群生類所作業次受生果報有性無情莫非承女威
光乃至諸佛成道果接物利生莫非盡承女威光只
如金剛體還有凡夫諸佛麼有女心行麼不可道無
便當去女既有如是奇特會麼努力珍重師初住梅
溪後居玄沙一時天下叢林海衆皆望風欽服闍帥
王公待以師札學徒垂千人室戶不閉師應機接物
垂二十年所演法要有大錄行于世没年七十有五
闍帥賜號宗一禪師

鄴於

楚殷

字霸圖姓馬氏許州鄆陵人世為農家事
梁征伐有功封為楚王至末帝貞明丙子

始建國立郡十
四年壽七十九

雷氏曰

馬楚湖南
五主五七

蜀建

西字光平王圖進姓王許州武陽人佐唐有功封

成都少帝樺梁舉哀勤文武勸進遂立

荆季興

字李讓孫家童梁祖初鎮宣武讓入贊養

為子命姓朱氏興曰讓故得見梁祖破青

雷氏曰

吳渥

字承天蜜長子蜜病出鎮宣州嗣立淮南

閩審知

字信通姓王氏光州固始人兄潮唐封

福建十加年壽為知書令封雷氏曰

庚午南岳山惟勁頭陀集光化以來出世宗師機緣為續

寶林傳

辛未

改乾化

南漢隱姓劉中商賈南海也其祖父安仁後徙

州牙將破巢為封州刺史既卒州人表隱代之事

壬申

梁祖疾甚郢王友珪左迁萊州刺史不行乃微行詣

刺帝于寢殿矯詔友珪權主軍國之務殺喪即帝

位初梁祖温畧地於宋毫間偶與送旅婦人野合而生立未一年友貞貶為庶人改年元鳳

癸酉

末帝友貞一名瑱温第三子聞友珪乱起兵討之既

殺友珪命趙崑傳國寶至汴迎王即位更名鏗且

都汴盖祖地矣唐使皇甫麟滅之在位十年復稱乾化

乙亥

改貞明

丙子

晉兵七萬來伐○遼主阿保機稱帝立國號大契丹

改元天贊遼之始也中國簡冊所不載遠夷草昧

詳也其父幹里為夷裔中猶中國刺史而拓

落多智雄健有膽畧好騎射鐵厚一丈而洞之夜

寢則有光左右莫不驚諸部畏狀之有

宋相安至天祚為金滅之治國十一年

腰罪鳥

腰罪奴

明州奉化縣布袋和尚者未詳氏族自稱名契此形

裁腰腰蹙額瞠腹出語無定寢卧隨處常以杖荷一

希囊凡供身之具盡貯囊中入鄞肆聚落見物則乞

或醢醢魚菹才接入口今少許投囊中時號長汀子

布袋師也嘗雪中卧雪不沾身人以此竒之或就人

乞其貨則售示人吉凶必應期無忒天將雨即著濕

草履途中驟行遇亢陽即曳高齒木履市橋上豎膝

而眠居民以此驗知有一僧在師前行師乃拊僧背

乞音

一下僧迴頭師曰乞我一文錢曰道得即與女一文

師放下布袋叉手而立白鹿和上問如何是布袋師

四十七

道載一長

廿二

便放下布袋又問如何是布袋下事師負之而去先
保福和上問如何是佛法大意師放下布袋叉手保
福曰為只如此為更有向上事師負之而去師在街
衢立有僧問和上在遮裏作什麼師曰等箇人曰來
也來也列宗柔和尚師曰女不是遮個人曰如何是
遮個人師曰乞我一文錢師有歌曰只个心心心是
佛十方世界最靈物縱橫妙用可憐生一切不如心
真實騰騰自在無所為閑閑究竟出家兒若觀目前
真大道不見纖毫也大奇萬法何殊心何異何勞更
用尋經義心王本自絕多知智者只明無學地非聖

四

道藏十二卷

廿三

非凡復若乎不彊分別聖情孤無價心珠本圓淨凡
是異相妄空呼人能弘道道分明無量清高稱道情
携錫若登故國路莫愁諸處不聞聲又有偈曰一鉢
千家飯孤身萬里遊青目觀人少問路白雲頭梁貞
明二年丙子三月師將示滅於嶽林寺東廊下端坐
磐石而說偈曰弥勒真弥勒今身千百億時時示時
人時人自不識偈畢安然而化其後他州有人見師
亦負布袋而行於是四衆競圖其像今嶽林寺大殿
東堂全身見存

丁丑

漢龔

初名嵩隱之庶子生于外舍身長七尺承
龔封南海王是年建國号越二年更号

戊寅

蜀衍

漢壽五十四卒立三十一年龔者蓋採周易飛龍在天之義尔得字化源建之第十一子母曰徐賢妃以寵

庚辰

吳溥

唐郭崇韜伐之六年蜜第四子立不改号治十七

辛巳 改龍德

癸未

上聞李嗣源兵至今皇甫麟殺已嗣源兵入城國已

右朱梁二主共一十七年

晉李存勗滅之

後唐

姓李氏王土德

雷氏曰

唐武克用莊明

武皇帝克用

世号朱耶出于突厥後自号沙陀以朱耶為姓烈考朱耶赤心以徐州功大懿

宗賜姓李氏俾定天下莊宗即位天祐五年薨葬陵鴈門界

四三六

道載十七卷

三四

莊宗存勗

太祖嫡子母曹后帝英武善戰滅梁代之自梁祖二年立至同光三年四十三歲崩

葬河南 雍陵 改同光

甲申

朝廷封李茂貞為秦王○高季興為南平王

魏府興化存獎禪師詔入内庭帝問禪要御賜馬一

疋不惜墜馬傷足至次年示疾帝一日謂師曰朕收

大梁得一顆無價明珠未有人酬價師曰請陛下珠

看帝以手展開幙頭脚師曰君王之寶誰敢酬價師化

後勅謚廣濟大師塔曰通濟師嘗問僧什麼處來曰

崔禪處來師曰將得崔禪喝來否曰不將得來師曰

恁麼即不從崔禪來僧便喝師遂打師示眾曰我只

聞長廊下也喝後架裏也喝諸子女莫旨喝乱喝直
饒喝得興化向半天裏住却撲下來氣欲絕待興化
蘇息起來向女道未在何故我未曾向紫羅帳裏撒
真珠与女諸人虛空裏乱喝作什麼師勘克賓語具
傳燈

乙酉

朝廷遣周德威執劉守光至鴈門令存霸刺心血祭

吳溥

涼於石頭城上建清涼寺請悟空住持

前蜀

改咸康末降勅孟知祥鎮蜀前蜀二主共三十五年

錢鏐封吳越國王

仍百官請署羣臣

閩延翰

字子逸審知長子同光四年莊宗遇弒建國稱王稟唐正朔立一年

丙戌

改天成明宗嗣源立

世本夷狄無姓太祖父電為鴈門步

子姓李名嗣源初帝至鄴都軍俄大諱曰請今公

帝河址石敬瑭康義誠勸進嗣源乃令安重誨移

檄會兵軍勢大盛嗣宗據大梁時從馬直都指麾

使郭從謙不知睦王存人已死欲奉之作乱莊宗

中流矢殂于絳霄殿庶下善友歛庶下樂器覆莊

尸焚之及嗣源即位拾莊宗骨石殯之時年已六

十矣每夕宮中焚香告天願早生聖人為生民

主在位八年後為臣朱弘昭等殺之葬徽陵

閩鏐

先名延鈞審知次子初延稟與鏐謀殺

繼先志無煩老兄重來至長吳二年與鏐

擊不勝為鏐殺之鏐好鬼神道士劉守

元以左道惑之建寶皇后改元天寶

宮居焉後帝為李傲殺之

遼主德光名耀屈之

時黑雲覆帳火光射平奚渤海二國治廿二

姓劉氏阿保機第二子

丁亥

己丑

庚寅

壬辰

年於所居大部落建天雄寺有契
舟太祖像存焉大赦改元天顯

荆從誨

字遵聖興之長子立
二十一年壽五十八

改長興秦王李茂貞入朝去建國之制

楚希聲

字若訥殷次子判內外
諸軍事殷卒立之三年

楚希範

字子矩殷之第四子兄弟十人嫡子
希振家長仁賢其聲範同母而生聲

母袁氏色美得寵而先立振棄官為道士
聲卒範立改年應順立十五年壽四十九

孟知祥

是年封蜀王

○初令雕九經印板馮道監造

旃檀瑞像自下二十一年復在江南

福州長慶惠稜禪師示寂杭之鹽官人姓孫氏幼歲

稟性淳淡年十三於蘇州通玄寺出家登戒歷參禪

四〇卅七

通載十七卷

三六

立

肆唐乾符五年入閩中謁西院訪靈雲尚有凝滯乃

之雪峯曰問從上諸聖傳受一路請垂指示峯默然

師設礼而退峯莞尔而笑異日雪峯謂師曰我尋常

向師僧道南山有一條鱉鼻蛇女諸人好看取對曰

今日大有人喪身失命峯然之師入方丈參雪峯曰

是什麼師曰今日天晴好普請自此酬問未嘗爽於

玄旨乃述頌曰萬象之中獨露身唯人自肯乃方親

昔時謬向途中覓今日看如火裏冰師來往雪峯二

十九載至天祐三年受泉州刺史王延彬請住招慶

後閩帥請居長樂府之西院奏額曰長慶号超覺大

師上堂良久謂衆曰還有人相悉麼若不相悉欺謬
兄弟去只今有什麼事莫要窒塞也無復是誰家屋
裏事不肯當荷更待何時若是利根參學不到這裏
來還會麼如今有一般行脚人耳裏捻滿也假饒叔
拾底還當諸人行脚事麼廣說具如傳燈錄師兩處
開法徒衆一千五百化行閩越二十七載後唐長興
三年壬辰五月十七日歸窈壽七十有九膺六十

癸巳

閩璘改龍啓錢傅瓘字文宝錢鏐長子從父征伐而
有大功為群臣請立九年壽五

十有

閔帝存厚明宗第六子帝疾篤秦王從榮作乱益漢
瓊斬之十一月詔徵宋王存厚一名從厚

五七

通載一二卷

三七

入權天雄軍府事帝殂祕喪六日羣臣自鄴迎之
即位于柩前甲午改元應順帝從朱弘昭等言從
潞王存珂鎮河東王不受命命兵討之王怒衆而
東帝奔魏州至衛依刺史王弘贄潞王入謁太后
命王即位廢閔為鄂王遣弘贄贄子殿直恠往鳩
帝帝不飲恠繼殺之後追謚閔帝在位五月

甲午

四月改清泰末帝存珂明宗養子本鎮州平山人姓
王氏家世微賤母曰魏氏明

宗為騎將過平山掠得子阿三巳年十餘歲明
養為己子号存珂長能騎射封潞王即位二年為
石敬瑭外結契丹主攻之二帝幸
室自焚壽五十一在位二年

蜀孟知祥字寶胤姓孟氏荊州龍岡人祖察乘
昭義節旌父猷磁州刺史其母王氏

夢乃立國号蜀改年明德立一年六月有疾
祥乃立國号蜀改年明德立一年六月有疾

速付子
相監國

是年二月功德司奏每年帝誕節諸州府奏薦僧尼

欲立講經科禪定科持念科之章議論科以試其

能不帝從奏出繫

乙未 許王明宗初子為契丹立

蜀昶知祥第三子初名贊祥卒 ○ 雷氏曰知祥後

石晉姓石氏 雷氏曰二晉高敬瑭少帝丹主

丙申 改天福高祖敬瑭晉陽人父貞接雞本出西夷自朱

有功官至洺州刺史生帝姓石不知曰始明宗受
之以女妻之是為永安寧公主為太原節度唐室既
亂未帝徙散瑭鎮天平不行命兵討之石與棗維
翰劉知遠等假兵契丹光破唐兵緣先父事光曰
乃滅唐築壇柳林即帝位改長興七年為天福元
年十月兵至帝自焚十一月敬瑭入洛陽立八年
崩壽五十一
葬新安陵

通載十七卷 三六

閩昶鱗之長子名繼鵬既立奉道乃殺李

丁酉 晉歲用金帛三十萬遺大遼

南唐昇字正倫徐州人世本微賤父榮唐亂

宅與溫妻李氏同姓昇身長七尺為入徐溫
厚減吳溥而立之年改昇元壽五十六據

江陵 雷氏曰李唐金陵

蜀改年 大遼年改會同

閩延曦審知少子既立鑄大錢以一當十曰

立四年改元永隆曦
度民萬一千人為僧

吳越王佐字右立立壽二十子

南漢珍初名洪度龔之子耀樞龜圖皆早死

壬寅 辛丑 庚子 戊戌

癸卯

潮等殺之

南漢晟

初名洪熙既殺珍自立封思潮等為功臣改元乾和立二十年酒太過卒

壽三十九

甲辰

改開運少帝重貴

高祖猶子祖有六子皆正帝父敬

故得立位後三年為契丹主耶律德光驅過河入汴攻之帝出降封負義侯送至和龍府不知何年卒在

右晉二主凡十一年

繼而漢

南唐璟

昇長子立二十四年改元保大壽六十四年

煦

是年舊唐史成劉煦撰授司空平章事

并載佛祖異迹

江南上元縣一民暴死三日復甦詣唐主具奏入冥

見先帝言為宋齊丘所悞殺和州降卒千餘人冤訴

雷三

通載十二卷

二九

仗汝歸語嗣君凡寺觀鳴鐘可延久其聲吾受苦唯

聞鐘則暫休或能為造一鐘尤善吾在位日嘗以于

闕國遺我玉王像藏於瓦棺寺佛左膝人無知者汝

以此為驗唐主遂詣瓦棺寺佛膝得天王像感泣造

一鐘於清涼寺鑄其上曰薦烈祖孝高皇帝脫幽出

厄以玉像建塔葬蔣山

出法苑

殷延政

亦審知子延曦灑淫雲政數貽書責

之乃立建州改國号雷氏曰建州三年

契丹

怒帝不上表稱臣乃大

丙午

正月遼主德光入晉不一年

守獲真宗皆黥其面杜威丹

張彥澤斬閔而入帝懼迎拜于門契丹不禮命左
右執之彥澤傳遼主書與太后慰撫之降晉帝為
負義侯安置黃龍府即慕容氏和龍城也契丹御
汴宮受朝賀以國舅麻刺蕭翰留守汴以天時向
暑裝大梁自白馬渡河盡驅百僚赴常山至溱城
得疾至熱胡林卒國人剖其腹實鹽數斗載之北
晉人謂之帝把

漢姓劉氏王○雷氏曰漢祖知速隱四年帝

丁未高祖知速後更名暉於其先沙沱部人移居太原帝生

侍明宗為榻將及立石晉于太原契丹臨京師少衛親
軍都虞候少帝進封太原王契丹臨京師少衛親
俘乃圖義率二月即位於太原自稱漢王擁兵入
於汴殺許王與太妃兼晉二年春卒在位一擁兵入
乃晉開運四年也

遼世宗立諱阮之番名兀欲天祿孫東丹王

通載十七卷 四十五

楚希廣字德王範同母弟既立三

戊申改乾祐○吳越侗廢囚于義和院迎做立遷侗東府

己酉隱帝承佑高祖三子曰承訓承佑承勳嫡子訓已諸

子尚幼以佑紹立信任倡優踈遠大臣時弘肇
時李業等狀申於廣政殿曰朝王章楊邠史弘肇
又使人殺郭威於鄴威乃率兵犯宮帝出城南趙
村為伶人郭允明刺殺之壽二犯宮帝出城南趙

吳越王俶思佐之弟在位三德胡進

荆保融字德長壽四第十子立

楚希萼廣之兄殺廣而立明年隱帝崩京師

政事任弟希崇崇亦臣璟降封楚王以軍

雲門文偃禪師示寂師姑蘇嘉興人姓張氏初參睦

轆轤
各歷各達

州蹤禪師州見來便閉却門師扣門問誰師云某甲
州云作什麼師云已事未明乞師指示州才開門師
撥入州擒住云速道速道師擬議州托開云秦時轆
轤鑽師從此悟入州即指師見雪峯師至雪峯莊遇
僧上山即教之云汝到山頭見和上上堂眾才集便出
握腕立地云這老漢項上鐵枷何不脫却其僧如教
致問峯下座搦住云速速道僧無對峯云適來不是你
語僧云是某甲語峯云侍者將繩棒來僧云某在莊
上見一浙中上座教來恁麼問峯云大眾去莊上迎
取五百人善知識來師上山才見雪峯便問曰什麼

四十六

通載十七卷

四一

遲利

得到与麼地師乃低頭從此契合決擇久之遍訪諸
方晚游廣中靈樹知聖禪師久遲師來比至亦率眾
門迎命居第一座樹將終遺書囑廣主請師繼踵住
持師上堂僧問如何是一代時教師云對一說問如
何是法眼師云普問如何是諸佛出身處師云東山
水上行問乞師指箇入路師云喫粥喫飯問如何是
透法身句師云北斗裏藏身問如何是不掛唇吻一
句師云合取狗口問如何轉動即得不落階級曰南
斗七北斗八師乃云眼睫橫亘十方眉毛上透乾坤
下透黃泉湏弥山塞却你咽喉還有會處麼若會得

睫
法即

拽取占波國與新羅國閉額又云盡乾坤一時將來
著女眼睫上你諸人聞恁麼道不敢望你出來性燥
把老僧打一摑且緩緩子細看是有是無是个什麼
道理直饒向這裏明得若遇衲僧門下好槌脚折汝
若是个入聞說道什麼處有老宿出世便驀面唾汚
我耳目汝若不是个脚手才聞人舉便當荷得早落
第二機又曰直得觸目無滯達得名身句身一切法
空山河大地是名名亦不可得喚作三昧性海俱備
猶是無風匝匝之波直得忘知與覺覺即佛性矣喚
作無事人更須知有向上一竅在又曰彈指磬咳揚

道藏一二卷

四二

眉瞬目拈槌豎拂或作圓相盡是撩鉤搭索佛法二
字未曾道著道著即撒屎撒尿又曰光不透脫有兩
般病一切處不明面前有物是一又透得一切法空
隱隱似有个物相似亦是光不透脫又法身亦有兩
般病得到法身為法執不忘已見猶存坐在法身邊
是一直饒透得法身去放過即不可子細檢點來有
什麼氣息亦是病又曰直得乾坤大地無纖毫過患
猶是轉句不見一色始是半提直得如此更須知有
全提時節師居靈樹久之迂韶陽雲門廣主屢請入
內問法待以師礼徃來學徒不下千人臨終以表辭

廣主垂戒學徒端坐而逝遺命塔全身於方丈後一十七年至宋乾德三年雄武軍節度推官阮紹莊亭師以拂子招之曰為吾寄語秀華宮使特進李托奏請開塔吾久蔽塔中宜令暫出李得其語即以奏聞尋有旨令韶州刺史同詣雲門開塔果見師真容如生鬢髮皆長李復上其事廣主迎真身赴關留內庭供養逾月送歸于塔謚大慈匡真宏明禪師有法嗣澄遠焉

庚戌

十一月

郭威兵至上

右漢二主四年

郭威

周德三主都汴

雷氏曰

周恭帝三主九年

五八

通載一二卷

四三月

辛亥

太祖威更名廣

邢州唐山人父簡事晉為順州刺史嘗殺人路徒囚李繼韜惜其勇而繼之後漢祖命為樞密使帝聽李業諧遣供奉孟業齋密詔殺帝乃幸兵隱出宿七里寨眾潰隱回至玄化門劉銖在門上問隱左右兵馬何在曰射左右隱回

劉銖在門上問隱左右兵馬何在曰射左右隱回子實立之未至兵士馮道等擁帝而立太后廢贊為湘陰公以威監國受漢太后詔即位出漢宮器碎於庭詔曰自今終華之物毋得入宮

遼穆宗璟番名兀律

太宗長子九年九月世宗欲為燕王述軌等

殺於新州火神渡遂即位改元為應曆至戊辰即宋太祖開寶元年九月為庖人殺于

黑山下治

東漢旻

太原守乾德四年立三年

世尊示滅一千九百年矣

壬子

汝州寶應南院顯禪師示寂師系河北人嗣興化淨
禪師上堂示衆曰赤肉團上壁立千仞時有僧問赤
肉團上壁立千仞豈不是和上語師曰是其僧乃掀
倒禪床南院曰這瞎驢便棒又云諸方只具啐啄同
時眼不具啐啄同時用有僧便問如何是啐啄同時
用云作家不啐啄啐啄同時失僧云此猶未是甲問
處云汝問處作麼生僧云失師乃打僧不肯後於雲
門會下聞二僧舉前日緣一僧云當時南院棒折那
僧聞此語忽然大悟方見南院答話處僧却回汝州

四十

道藏一二卷

四四

省覲值師迂化乃訪風穴穴認得便問上座是當時
問南院啐啄同時話底麼僧云是穴云會也未僧云
會也穴云你當時作麼生僧云某甲當時如燈影
中行相似穴云女會也

癸丑

旃檀瑞像此下一百七十七年在汴京九經印板方

甲寅

世宗榮字茂先太祖猶子本姓柴氏亦唐山人太祖

命為子官至澶州節度使祖崩祕喪迎帝立於柩
前威震夷夏廢諸寺字年三十而崩葬慶陵治六

年改顯德趙匡胤為

東漢承鈞山僧繼顯為鴻臚卿在位十三年

不改

乙卯

二月詔廢天下無勅額寺院凡三萬三百三十六所
存者二千七百所廢銅像為錢時鎮州銅大悲像
感應異常州之士民願以錢貸制不許及毀其背
羣力皆墮腕而死遂停其半○制出家者必俟父
母命郡國歲造僧帳凡死已還俗者以時闕落之
僧帳自此始通

丙辰

詔藥大梁城○詔華山隱士陳搏入見問以飛升黃
白之術搏答曰天子富有四海不應問遣還山

丁巳

東漢年改天會○

戊午

顯德五年七月十七清涼文益禪師示疾江南國主

三十七

道載一七卷

四五

立

親降候問越旬有五日沐浴辭衆端坐而逝停龕三
七顏真如生公卿李建勛而下素服奉全身建塔謚
曰大法眼禪師餘杭人姓魯氏初究教乘傍探儒典
游方遇羅漢琛禪師頓明大事久之卓庵而居次歷
江外至臨川州牧請住崇壽開堂示衆曰諸人既盡
在這裏山僧不可無言與大衆奉一古人方便珍重
便下座時有僧出禮拜師曰好問著僧擬伸問師曰
長老未開堂不答話有僧自長慶來師舉先長慶偈
問曰作麼生是萬象之中獨露身僧奉一指師曰恁
麼會又爭辨曰如和尚尊意如何師曰喚什麼作萬

象曰古人不撥万象師曰万象之中獨露身說什麼
撥不撥僧豁然大悟述偈投誠自是諸方會下存知
解者翕然而至始則行行如也師以微激發皆漸而服
膺海參之衆常不下千計上堂大衆立久師乃謂曰
只如便散去還有佛法也無試說看看若無又來這裏
作麼若有大市裏人聚處亦有何須到這裏諸人各
曾看還源觀百門義海華嚴論涅槃經諸多冊子阿
那個教中有這箇時節若有試舉看莫是恁麼經裏
有恁麼語是此時節麼有甚交涉所以微言滯於心
首皆為緣慮之場實際居於目前翻為名相之境又

作麼生得翻去若也翻去又作麼生得正去還會麼
莫只恁麼念冊子有什麼用處未幾道行聞於江表
金陵國主重師之道迎居報恩号淨惠禪師次迂清
涼朝夕開法諸方叢林咸仰風化致異域有慕其法
者涉遠而至嗣子德韶國師文遂江南國道師惠炬
高麗國師傳化焉師調機順物斥滯磨昏凡舉古德
三昧或呈解請益皆應病与藥隨根悟入者不可勝
紀尋以韶國師等化旺東南遂初法眼宗旨

杭州永明寺道潛禪師河中府人也姓武氏初謁臨
川淨惠禪師一見異之便容入室一日淨惠問子於

憎母

參請外明什麼經師曰華嚴經惠曰總別同異成壞
是何門攝屬師曰文在十地品中據理則世出世間
一切法皆具六相惠曰空還具六相也無師憎然無
對惠曰子却問吾師乃問空還具六相也無淨惠曰
空師於是開悟踊躍札謝曰子作麼生會師曰空淨
惠然之異日曰四衆士女入院淨惠問師曰律中道
隔壁聞釵釧聲即名破戒見觀金銀合雜朱紫駢闐
是破戒不是破戒師曰好个入路惠曰子向後有五
百毳徒而為王侯所重在師尋札謝辭駐錫於衢州
古寺閱大藏經而已忠懿王命入府受菩薩戒署慈

四十五

通載一七卷

四七月

化定惠禪師建大伽藍号惠曰永明請居之師曰欲
請塔下羅漢銅像過新寺供養王曰善予昨夢十六
尊者乞隨師入寺何昭應之若是仍於師號加應真
二字師坐永明大道場常五百衆師上堂曰佛法顯
然曰什麼却不會去諸上座欲問佛法但問取張三
李四欲會世法則參取古佛叢林無事久立僧問至
道無難借言顯道如何是顯道之言師曰切忌揀擇
問如何是惠曰祥光師曰此去報慈不遠曰恁麼則
親蒙照燭也師曰且喜沒交涉

戊午

春帝欲濟江南唐璟

大懼遣兵部陳竟非奉表割
江北十四州地用周正朔而降

己未

荆保勗

字省躬諱之第十子在位四年壽五十九矣

趙太祖光胤

連年征討有功授歸德節度使殿前都點檢

六月世宗北伐病背癰糜潰而崩於道

恭帝崇訓世宗第四子七歲即位命宋太祖趙光胤

討河東軍情忽變有飛語云不如扶點檢為天子

遂立宋祖降封帝為鄭王立不一年

右周三主凡十一年

比丘一清書

佛祖歷代通載卷第十七

道載十七卷

四八

己未

[Faded bleed-through text from the reverse side of the page]

